

Parlamentario Jennifer Arends-Reyes

Gran mayoria di gremio no ta desea di wak un crecemento di hotelnan All-Inclusive pa Aruba

ORANJESTAD – Segun Sra. Arends-Reyes e discusion tocante e tema di All-Inclusive ta uno cu no a cuminsa di dia cu e ley a yega Parlamento sino di basta tempo prome caba.

Durante aña pasa y e comienso di aña aki den comision di Turismo a tuma luga diferente reunion preparatorio pa haya informacion y punto di bista di varios gremio.

Cu AHATA a sinta varios bi-aha cu comision ariba e topico, ATA tambe y e Minister di Turismo hunto cu Min-

ister di Salubridad tocante nan punto di bista. Recientemente a palabra durante un comision central, cu a conta cu representacion di tres fraccion, cu e fraccionnan lo sigui busca informacion riba nan mes, pa entre otro motivo di planning di Parlamento, compromisonan den exterior di varios miembro, preparacion y reunionnan IPKO na Hulanda.

Awe algun tempo despues cu nos a haya e proposicion di Ley pa regula All-Inclusive basicamente e posicionnan ta mesun cos cu anteriormente.



Fraccion di AVP a sinta un bi-aha mas cu varios gremio pa scucha nan punto bista como

'belang organisaties' di e sector. Mester bisa cu tur gremio ta den dialogo ainda cu entre

otro Minister di Turismo. Y remarcabel ta cu por crea e impresion cu ta leu di otro pero e realidad ta cu tin un punto cu gran mayoria ta di acuerdo cun'e y ta cu nan no lo ta desea di wak un crecemento di Hotelnan tipo All-Inclusive pa Aruba.

Di e punto di salida aki lo mester sigui, basa ariba informacion, pa asina wak mas di cerca kico lo por haci y di e miho manera na beneficio di Aruba, su Turismo y bienestar di tur Sra. Arends-Reyes ta termina bisando. □